

Nowodhow an Seythen

02/02/2009

Konsel Kernow re worras an logo nowyth y'n atalgyst.

Pennrewler nowyzh Kevin Lavery a dhawelas an tybyans awos kaskyrgh bras er y bynn.
Deg mil hanow veu kuntellys yn unn skoodhya desin koth gans an pymthek besant...
pyskador, stenor ha palores.

Konsler Julyan German a restras kaskyrgh bras... ha dri warbarth pub parti politek.

<clip>

An konsel a vynn gwitha an desin koth gans geryow nowyth.

Heb mar, y fydh kaskyrgh nowyth lemmyn may fo Kernewek gorrays war an logo.

**

An kaskyrgh a-barth kay nowyth dhe Heylfordh re gavos lies skoodhyer der Facebook.
Yma moy es peswar mil anedha.

Yma edhom dhe byskadoryon an dre drehevel kay nowyth awos bos kales tenna kystyow
a buskes a-hys an treth.

Byttagyns, yma ken kaskyrgh gans perhenoryon chi nessa lettya an towl.

Rob Reynolds a dhalathas an kaskyrgh war linen ...

<clip>

**

Yma an krunch kresys ow kweskel Kernow yn feur.

An kowethas pri gwynn Imerys re gollas tri soodh ha dew ugens moy yn Kernow.

Keffrys ha henna... yma ow kwitha gober an oberoryon orth an nivel eus lemmyn.

**

Nessa seythen y fydhyn ni ow mires warlergh orth keskusulyans war an taves.

Mar mynnnowgh keworra agas breus hwi war an desten – danvonnewgh dhymm agas
tybyansow rekordys der mp3 mar pleg.

**

Bys nessa seythen – tereba nessa.